

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-26-000344
Lukavac, 18.05.2026. godine

Na osnovu člana 64. stav (1) tačka (b), člana 25., člana 70. stavovi (1), (2), (3) i (6) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06. 63/10, 72/10, 7/13, 52/14 i 85/21) i Zapisnika o pregledu i ocjeni ponuda sa preporukom Komisije o izboru najpovoljnijeg ponuđača, broj: 126-0-Su-26-000344 od 18.05.2026. godine, imenovane Odlukom o imenovanju Komisije za provođenje postupka javne nabavke, broj: 126-0-Su-26-000344 od 15.04.2026. godine, vršilac dužnosti predsjednika Općinskog suda u Lukavcu donosi:

ODLUKU o izboru najpovoljnijeg ponuđača

I

Prihvata se preporuka Komisije za provođenje postupka javne nabavke iz Zapisnika o pregledu i ocjeni ponuda, broj: 126-0-Su-26-000344 od 18.05.2026. godine, te se Ugovor za javnu nabavku usluge nadzora nad izvođenjem radova na izgradnji objekta Općinskog suda u Lukavcu dodjeljuje ponuđaču Institut za građevinarstvo „IG“ d.o.o. Banja Luka, ul. Kralja Petra I Karađorđevića 92-98, 78000 Banja Luka, za ponudenu ukupnu vrijednost od 21.942.87 KM bez PDV-a kao najpovoljnijem ponuđaču.

II

Izabrani ponuđač iz tačke I ove Odluke dužan je u skladu sa zahtjevima iz tenderske dokumentacije dostaviti orginale ili ovjerene fotokopije dokumenata iz člana 45. stav (2) Zakona o javnim nabavkama.

Ukoliko izabrani ponuđač ne dostavi traženu dokumentaciju, u određenom roku, ugovor će biti dodijeljen drugorangiranom ponuđaču, u skladu sa članom 72. stav (3) Zakona o javnim nabavkama.

III

Ova Odluka će se objaviti na web-stranici ugovornog organa Općinski sud u Lukavcu istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Postupak predmetne nabavke pokrenut je Odlukom o pokretanju postupka javne nabavke broj: 126-0-Su-26-000344 od 15.04.2026. godine. Javna nabavka provedena je putem otvorenog postupka za koji je objavljeno Obavještenje o nabavci broj: 368-1-2-39-3-21/26 na Portalu javnih nabavki dana 22.04.2026. godine. Sažetak obavještenja objavljen je u Službenom glasniku BiH broj: 29/2026 dana 24.04.2026. godine. Procijenjena vrijednost predmetne javne nabavke bez PDV-a je 72.649,00 KM.

Postupak predmetne javne nabavke je provela Komisija za javnu nabavku imenovana Odlukom o imenovanju Komisije za provođenje postupka javne nabavke, broj: 126-0-Su-26-000344 od 15.04.2026. godine.

Komisija za provođenje postupka javne nabavke izvršila je pregled i ocjenu ponuda te vršiocu dužnosti predsjednika Općinskog suda u Lukavcu dostavila Zapisnik o pregledu i ocjeni ponuda sa preporukom Komisije o izboru najpovoljnijeg ponuđača od 18.05.2026. godine i Izvještaj o radu Komisije od 18.05.2026. godine.

Iz Zapisnika Komisije o pregledu i ocjeni ponuda proizilazi da je u predmetnom postupku javne nabavke ponude dostavilo sedam (7) ponuđača, te da nije bilo neblagovremeno zaprimljenih ponuda.

Komisija je utvrdila da su ponude ponuđača:

1. Institut za građevinarstvo "IG" d.o.o. Banja Luka,
2. "Smajić-Inženjering" d.o.o. Gorazde,
3. Građevinski institut "GIBL" d.o.o. Banja Luka i
4. IPSA Institut d.o.o. Sarajevo,

kvalifikovane i prihvatljive, odnosno dostavljeni su svi traženi dokazi propisani tenderskom dokumentacijom, na propisan način.

Komisija je odbacila ponude ponuđača:

1. Studio Dva d.o.o. Sarajevo – iz razloga što ponuđač u svrhu dokazivanja uslova u pogledu tehničke i profesionalne sposobnosti iz tačke 3.4.1 pod b) tenderske dokumentacije nije dostavio dokument-dokaz kojim dokazuje tražene činjenice o radnom odnosu i dužini radnog odnosa zaposlenika odnosno za osobe koje su angažovane po osnovu poslovnih ugovora za 5 (pet) diplomiranih inženjera i to: građevinarstva, mašinstva, elektrotehnike-jaka struje, elektrotehnike-slaba struja i geologije, a kako je to traženo tačkom 3.4.2. pod b) tenderske dokumentacije.
2. "Projekt" a.d. Banja Luka – iz razloga što ponuđač u svrhu dokazivanja uslova u pogledu tehničke i profesionalne sposobnosti iz tačke 3.4.1 pod b) tenderske dokumentacije nije dostavio dokument-dokaz kojim dokazuje tražene činjenice o radnom odnosu i dužini radnog odnosa zaposlenika odnosno za osobe koje su angažovane po osnovu poslovnih ugovora za 4 (četiri) diplomirana inženjera i to: mašinstva, elektrotehnike-jaka struje, elektrotehnike-slaba struja i geologije, a kako je to traženo tačkom 3.4.2. pod b) tenderske dokumentacije.
3. HG Inženjering d.o.o. Tuzla - iz razloga što ponuđač nije dostavio popis dokumentacije koja se prilaže uz ponudu-Sadržaj ponude koji je tražen prema tački 4.1. pod b) tenderske dokumentacije, a u skladu sa članom 58. stav 1. pod i) Zakona o javnim nabavkama („Službeni glasnik BiH“, broj: 39/14,59/22 i 50/24) kojim je propisano da svaka ponuda obavezno sadrži popis dokumentacije koja je priložena uz ponudu i iz razloga što ponuđač u svrhu dokazivanja uslova u pogledu tehničke i profesionalne sposobnosti iz tačke 3.4.1 pod b) tenderske dokumentacije dostavio dokumente-dokaze tražene tačkom 3.4.2. pod b) tenderske dokumentacije za jednog diplomiranog inženjera elektrotehnike -odsjek elektroenergetski od ukupno tražena dva diplomirana inženjera i to: jedan diplomirani inženjer elektrotehnike-smjer jaka struja i jednog diplomiranog inženjera elektrotehnike-smjer slaba struja.

Detaljno obrazloženje razloga za izbor najpovoljnijeg ponuđača dato je u Zapisniku o pregledu i ocjeni ponuda od 18.05.2026. godine koji se uz ovu Odluku dostavlja svim ponuđačima koji su učestovali u postupku nabavke.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Komisija za provođenje postupka javne nabavke je predložila da se ugovor za nabavku usluge nadzora nad izvođenjem radova na izgradnji objekta Općinskog sud au Lukavcu dodijeli ponuđaču Institut za građevinarstvo „IG“ d.o.o. Banja Luka, ul. Kralja Petra I Karađorđevića 92-98, 78000 Banja Luka, koji je dostavio najpovoljniju ponudu sa cijenom u iznosu od 21.942.87 KM bez PDV-a.

Iz navedenih razloga, primjenom člana 64. stav (1) tačka (b), člana 25., člana 70. stavovi (1), (2), (3) i (6) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno, elektronskim putem ili preporučenom poštanskom pošiljkom na adresu Ugovornog organa - Općinski sud u Lukavcu, ul. Skendera Kulenovića bb, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje tri (3) primjerka.



DOSTAVITI:

1. Institut za građevinarstvo "IG" d.o.o. Banja Luka, ul. Kralja Petra I Karađorđevića 92-96, 78000 Banja Luka,
2. "Smajić-Inženjering" d.o.o. Goražde, ul. Zaima Imamovića bb, 73000 Goražde,
3. Građevinski institut "GIBL" d.o.o. Banja Luka, ul. Ada 24, 78000 Banja Luka,
4. IPSA Institut d.o.o. Sarajevo, ul. Danijela Ozme 4, 71000 Sarajevo,
5. Studio Dva d.o.o. Sarajevo, Barska 33, 71210 Ilidža,
6. "Projekt" a.d. Banja Luka, ul. Veselina Masleše 1/IV, 78000 Banja Luka,
7. HG Inženjering d.o.o. Tuzla, ul. Fra Stjepana Matijevića Solinjanina br. 7, 75000 Tuzla,
8. Na web stranicu Općinskog suda u Lukavcu,
9. A/A.